



## ՀԱՄԱՅՆՔԱՅԻՆ ԶԱՐԳԱՑՄԱՆ ԴՐԱՄԱՇՆՈՐՀԱՅԻՆ ԾՐԱԳՐԵՐԻ ՄՐՑՈՒՅԹԻ ՀԱՅՏԱՐԱՐՈՒԹՅՈՒՆ

«Զինիշյան» հիշատակի հիմնադրամը (ԶՀՀ), ելնելով Վարդենիսի տարածաշրջանի համայնքների զարգացմանն ուղղված իր ռազմավարական նպատակներից, հայտարարում է «Դրամաշնորհային ծրագրերի մրցույթ» Վարդենիսի՝ Նորակերտ, Տորֆավան, Վանևան, Խաչաղբյուր, Գեղաքար, Լճավան, Մաքենիս, Ախպրաձոր, **Շողակաթ միավորված համայնք**՝ Դրախտիկ, Աղբերք, Շարժա, Արտանիշ, Զիլ, Ծափաթաղ գյուղական համայնքների համար:

Սույն մրցույթին, ի նպաստ իրենց համայնքների և/կամ դպրոցի շահերի, մասնակցելու են հրավիրվում նաև Արեգունի, Արփունք, Խաչաղբյուր, Կախսակն, Լճավան, Մաքենիս, Վանևան և Փոքր Մասրիկ գյուղերի միջնակարգ դպրոցները:

### Դրամաշնորհային ծրագրերի նպատակը

Ծրագրի նպատակն է հնարավորություն տալ Վարդենիսի տարածաշրջանի համայնքներին գտնելու կայուն և կենսունակ լուծումներ ներհամայնքային սոցիալ-տնտեսական խնդիրներին՝ համախմբելով առկա արտաքին և ներքին մարդկային և ֆինանսական ռեսուրսները:

Այդ լուծումներին հասնելու համար Ծրագիրը ենթադրում է.

- խթանել փոխվստահության մթնոլորտը համայնքներում, մոբիլիզացնել համայնքների ներքին և արտաքին ռեսուրսները և ուղղել դրանք համայնքային կոնկրետ խնդիրների լուծմանը,
- օժանդակել տարածաշրջանի զարգացմամբ հետաքրքրված պետական և ոչ պետական հաստատությունների և անհատների ներուժի միավորմանը՝ ուղղելով այն դեպի համայնքային խնդիրների կոնկրետ լուծումներին կամ այդ խնդիրների լուծմանը ուղղված արդյունավետ մեխանիզմների ներդրմանը:

### Դրամաշնորհի ՏՐԱՄԱԴՐՎՈՒՄ է հետևյալ ուղղվածության ծրագրերին

- մշակութային և հոգևոր զարգացում,
- համայնքային առաջնային կարևորության հիմնախնդիրների լուծում,
- կանանց, երիտասարդների և բնակչության խոցելի խմբերի զարգացում,
- ենթակառուցվածքների բարենորոգում, համայնքային ծառայությունների որակի բարելավում՝ նորարարական մոտեցումների և լուծումների միջոցով,
- համայնքի սոցիալական որևէ շերտի/ շերտերի շահերի պաշտպանություն,
- բնապահպանական խնդիրներին ուղղված ծրագրեր,
- այլընտրանքային էներգակիրների կիրառման ծրագրեր:

Սույն մրցույթի շրջանակներում.

հիմնական/միջնակարգ կրթության պայմանների բարելավմանն ուղղված ծրագրերը չեն համարվում առաջնահերթային, սակայն, դրանց ֆինանսավորումը նույնպես չի բացառվում:

### **Դրամաշնորհի ԶԻ ՏՐԱՄԱԴՐՎՈՒՄ հետևյալ ուղղվածության ծրագրերին.**

- մարդասիրական անմիջական օգնություններ,
- պարտադիր պետական կրթական (հանրակրթական և բարձրագույն) ծրագրերի/դասընթացների իրականացում,
- բժշկական զննումներ, անհատական բուժումներ և հիմնական հետազոտական աշխատանքներ,
- կրթաթոշակներ և անհատական ուսման վարձեր,
- առևտրային կազմակերպությունների ընթացիկ գործունեության (կամ գործունեությանը ուղղված) աջակցում, ինչպես նաև այդ գործունեություններին նպաստող սարքավորումների ձեռքբերում,
- գիտական/հետազոտական աշխատանքներ,
- արտասահմանյան գործուղումների, Հայաստանից դուրս կազմակերպվող զարգացման միջոցառումների, փորձի փոխանակումների մասնակցելու ծախսեր:

### **Դրամաշնորհի չափը**

Յուրաքանչյուր համայնքի/դպրոցի համար նախատեսված դրամաշնորհի առավելագույն չափը 3,000,000 (երեք միլիոն) ՀՀ դրամ է:

Կտրամադրվի 5-ից 7 դրամաշնորհ:

### **Համայնքային զարգացման «Նախագիծ առաջարկ»` (Ծրագիր) կարող են ներկայացնել**

Վերը հիշատակված համայնքների Համայնքային ՏԻՄ-երը, Համայնքային Ակտիվ Խմբերը (ՀԱԽ), կամ Վարդենիսի տարածաշրջանում գործող և գյուղական համայնքների զարգացմամբ հետաքրքրված հասարակական կազմակերպությանները և/կամ հիմնադրամները:

### **Ներկայացնող Նախագիծ առաջարկը (Ծրագիրը) պետք է բավարարին հետևյալ պայմաններին**

- Համայնքային Ակտիվ Խումբը (ՀԱԽ) պետք է ակտիվ համագործակցի համայնքի Տեղական Ինքնակառավարման Մարմինների (համայնքապետարան և ավագանիներ, այսուհետև` ՏԻՄ) հետ հայեցակարգերի մշակման բոլոր փուլերի ընթացքում, ընդհուպ մինչև ամբողջական ծրագրի ներկայացման և իրականացման շրջաններում:

Դպրոցների, կամ այլ համայնքային կառույցների կողմից ներկայացված ծրագրերում նույնպես պետք է արտահայտվի համագործակցությունը ներհամայնքային կառույցների միջև և գյուղի բնակիչների լայն ներգրավումը հայեցակարգերի, ապա նաև ծրագրերի մշակման բոլոր փուլերի ընթացքում:

- Համայնքը պետք է ունենա իր նախագիծ առաջարկով` Ծրագրով ստեղծվելիք արժեքների պահպանման պլան,
- Նախագիծ առաջարկը պետք է ներկայացվի համայնքի ընդհանուր ժողովին և հաստատում ստանա համայնքից և ՏԻՄ-ից, որտեղ և կհաստատվի Ծրագրի ղեկավարի անձը, կամ
- Եթե Նախագիծ առաջարկը դպրոցի նախաձեռնությունն է, ապա այն պետք է նախապես ներկայացված և հաստատված լինի դպրոցի տնօրինության և

- ուսուցչական խորհրդի ընդհանուր որոշմամբ: Այդ նույն որոշմամբ պետք է հաստատվի նաև Ծրագրի ղեկավարի անձը,
- Նախագիծ առաջարկը, որը հետագայում կվերածվի Ծրագրի, պետք է ընտրված լինի համայնքային մասնակցությամբ և ապահովի ամբողջ համայնքի, կամ նրա մեծամասնության ներդրումները,
  - Նախագիծ առաջարկի` Ծրագրի շուրջ կատարվող գործընթացները պետք է թափանցիկ և հասանելի լինեն համայնքի բնակչության համար,
  - Ներկայացված «Նախագիծ Առաջարկը» պետք է ենթադրի նաև համայնքի կողմից համաներդրման/համաֆինանսավորման բաղադրիչ,
  - Շահառու համայնքը ծրագրի իրականացման համար պետք է ներդրում կատարի (ՏԻՄ հաստատումով) ոչ պակաս, քան ակնկալվող Դրամաշնորհի գումարի 30%-ի չափով, որի ոչ պակաս քան.
    - 10%-ը պետք է լինի ֆինանսական ներդրում, իսկ մնացած
    - 20 %-ը կարող է լինել բնահրային և/կամ աշխատուժով:

**Ներկայացված «Նախագիծ առաջարկի»` ծրագրի իրականացման վերջնաժամկետ է սահմանվում 2021թ. մայիսի 30-ը:**

### **Նախագիծ-առաջարկների ներկայացման կարգը և հաստատումը**

Նախագիծ-առաջարկությունների փաթեթները կընդունվեն են մինչև 2020թ. սեպտեմբերի 20-ը:

Նախագիծ-առաջարկության պետք է ներկայացվի Զինիշյան հիշատակի հիմնադրամի գրասենյակ` ստորագրված և կնքված կազմակերպության իրավասու ներկայացուցչի կողմից, կամ ուղարկվի [gevorga@jinishian.am](mailto:gevorga@jinishian.am) էլեկտրոնային փոստին: Նախագիծ-առաջարկության էլեկտրոնային տարբերակը կարող է ներկայացվել նաև որևէ էլեկտրոնային կրիչով` խտասկավառակ, կամ ֆլեշ քարտ:

Այս մրցույթի ընթացքում ստացված բոլոր նախագիծ առաջարկները կքննարկվեն և կհաստատվեն ԶՀՀ-ի տարածաշրջանի զարգացմամբ հետաքրքրված այլ հասարակական կազմակերպությունների ներկայացուցիչներից ստեղծված հանձնախմբի կողմից:

- Դրամաշնորհի մրցույթին մասնակցելու փաթեթ (հայտարարություն և ուղեցույց) ստանալու համար դիմել «Զինիշյան» հիշատակի հիմնադրամի գրասենյակ յուրաքանչյուր աշխատանքային օր (երկուշաբթի-ուրբաթ), ժամը 10.00-ից - 17.00-ը, կամ ներբեռնել <https://www.jinishian.org/vdi-2020-2021-grant-competition-announcement-eng> կայք էջից: Խորհրդատվություն կարելի է ստանալ ցանկացած աշխատանքային օր` ըստ նախապես ձեռք բերված պայմանավորվածության, կամ հեռախոսի միջոցով: Խորհրդատվության համար դիմել «Զինիշյան» հիշատակի հիմնադրամի համայնքային զարգացման ծրագրի համակարգող Գևորգ Աբոյանին` հետևյալ հասցեով.

Ք. Երևան 0009, Արուսյան 34, բն 5

Հեռ. (010) 54 44 17, 54 44 18; 54 28 52;

Բջջ. (077) 54 44 18; 099 54 47 18

Էլ-փոստ` [gevorga@jinishian.am](mailto:gevorga@jinishian.am)